

ლანჩხუთის მუნიციპალიტეტის საკრებულოს
საფინანსო-საბიუჯეტო კომისიის სხდომის

ოქმი №11

ქ. ლანჩხუთი

18.12.2019 წელი
14.00 საათი

სხდომას ესწრებოდნენ: საფინანსო-საბიუჯეტო კომისიის თავმჯდომარე ალექსანდრე მახათაძე, კომისიის წევრები: აკაკი იმნაიშვილი, გიორგი ჩახვაძე, ციცილო ჩხაიძე და დავით ჩხარტიშვილი.

მოწვეული პირები: ლანჩხუთის მუნიციპალიტეტის მერი ალექსანდრე სარიშვილი, ლანჩხუთის მუნიციპალიტეტის მერიის საფინანსო-საბიუჯეტო სამსახურის უფროსი როლანდ ლაშხია.

სხდომის თავმჯდომარემ, ალექსანდრე მახათაძემ სხდომას გააცნო დღის წესრიგის პროექტი:

1. „ლანჩხუთის მუნიციპალიტეტის საკრებულოს 2020 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს დადგენილების დამტკიცების შესახებ

/მომხსენებელი: ალექსანდრე მახათაძე/

2. სხვადასხვა საკითხები.

სხდომის თავმჯდომარემ, ალექსანდრე მახათაძემ კენჭი უყარა დღის წესრიგის პროექტს.

მომხრე-5, წინააღმდეგი-არცერთი.

დღის წესრიგის პირველი საკითხი „ლანჩხუთის მუნიციპალიტეტის საკრებულოს 2020 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს დადგენილების დამტკიცების შესახებ.

მერიის საფინანსო-საბიუჯეტო სამსახურის უფროსმა, როლანდ ლაშხიამ განაცხადა, რომ ლანჩხუთის მუნიციპალიტეტის 2020 წლის ბიუჯეტის დაგეგმვისას მაქსიმალურად ყოფილიყო გათვალისწინებული ის ამოცანები, რაც ზოგადად, დაკისრებული ფუნქცია-მოვალეობების შესრულებისთვისაა საჭირო. აქედან გამომდინარე, ლანჩხუთის მუნიციპალიტეტის ეკონომიური მდგომარეობის გათვალისწინებით, 2020 წლის ბიუჯეტი განისაზღვრა 10 817 300 ლარით. როგორც ცნობილია, ბიუჯეტი შედგება შემოსავლებისა და ხარჯვითი ნაწილისაგან. რა თქმა უნდა, განხილვის პროცესში წამოიჭრება გარკვეული შენიშვნები და მოთხოვნები, მაგრამ წარმოდგენილი პროექტი გახლავთ დაბალანსებული. როგორც პროექტიდან ჩანს, არის გარკვეულ ფარგლებში მატებები დამატებითი ღირებულების გადასახდის ხარჯზე, სხვა მხრივ კი, მუნიციპალიტეტის 2019 წლის ბიუჯეტის გათვალისწინებით ძირითადად შენარჩუნებულია იგივე მაჩვენებლების დონე. აქედან გამომდინარე, დღგ-ის ზრდის ხარჯზე შესაძლებლობის ფარგლებში ამოცანების მიხედვით თანხები გადანაწილებულ იქნა კონკრეტულ ა(ა)იპ-ებსა და კონკრეტულ საბიუჯეტო ღონისძიებებზე. ბიუჯეტის უკვე კორექტირებულ ვარიანტში გათვალისწინებულია საკრებულოს შენიშვნები,

მოთხოვნის შესაბამისად გაზრდილია ა(ა)იპ-ების დაფინანსება ა(ა)იპ „კეთილმოწყობის და მომსახურების“, ა(ა)იპ „კულტურის დაწესებულებათა გაერთიანების“, ა(ა)იპ „სახელოვნებო სკოლათა გაერთიანების“, ა(ა)იპ „ქალთა საფეხბურთო სკოლის“ ა(ა)იპ „საფეხბურთო სკოლის“), ლანჩხუთის მუნიციპალიტეტის გენდერულ საბჭოს დაფინანსება. კომისიამ შენიშვნა გამოთქვა, რომ ბიუჯეტში არ არის გათვალისწინებული ა(ა)იპ „სკოლამდელი საგანმანათლებლო-საადამრდელო ცენტრის აღმზრდელების ანაზღაურების მატება. ასევე მოხდეს იმ სპეციალისტთა ხელფასების მოწესრიგებაზე თანხების მოძიება რომლებზეც მომდევნო წლის ბიუჯეტში არ არის გათვალისწინებული.

ლანჩხუთის მუნიციპალიტეტის მერის განცხადებით, იგეგმება ა(ა)იპ „სკოლამდელი საგანმანათლებლო-საადამრდელო ცენტრის“ მუშაკთა ხელფასების მატება 2020 წლის სექტემბრიდან, რაც შეეხება სპეციალისტთა ხელფასების მოწესრიგებას წლის განმავლობაში დამატებით განხილული იქნება აღნიშნული საკითხი.

სხდომის თავმჯდომარემ, ალექსანდრე მახათაძემ კენჭისყრაზე წარმოდგინა დადგენილების პროექტი.

მომხრე-5, წინააღმდეგი-არცერთი.

ლანჩხუთის მუნიციპალიტეტის საკრებულოს დაგენილების პროექტი გამოთქმული შენიშვნებით და რეკომენდაციებით მოწონებულ იქნა.

კომისიამ დაადგინა რომ წარმოდგენილი დოკუმენტი საკრებულოს სხდომაზე განხილულ იქნეს დადებითი დასკვნით:

ამით კომისიის სხდომამ მუშაობა დაასრულა.

საფინანსო-საბიუჯეტო
კომისიის თავმჯდომარე



ალექსანდრე მახათაძე

ქ. ლანჩხუთი

18.12.2019 წელი

ლანჩხუთის მუნიციპალიტეტის საკრებულოს
საფინანსო-საბიუჯეტო კომისიის დასკვნა №11

2019 წლის 18 დეკემბერს ჩატარებულ იქნა ლანჩხუთის მუნიციპალიტეტის საკრებულოს საფინანსო-საბიუჯეტო კომისიის სხდომა.

სხდომამ განიხილა დღის წესრიგით გათვალისწინებული საკითხი და მიიღო გადაწყვეტილება:

1. . „ლანჩხუთის მუნიციპალიტეტის საკრებულოს 2020 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს დადგენილების დამტკიცების შესახებ

დასკვნა:

კომისიის წევრების მიერ „ლანჩხუთის მუნიციპალიტეტის საკრებულოს 2020 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს დადგენილების დამტკიცების შესახებ ლანჩხუთის მუნიციპალიტეტის საკრებულოს დადგენილების პროექტი მიღებულ იქნა შენიშვნებით:

საფინანსო-საბიუჯეტო







კომისიის თავმჯდომარე:



ალექსანდრე მახათაძე

ლანჩხუთის მუნიციპალიტეტის საკრებულოს საფინანსო-საბიუჯეტო კომისიის
წევრთა დასწრების სარეგისტრაციო ფურცელი

18.12.2019 წელი
14:00 საათი

	სახელი, გვარი	გამოცხადების დრო	ხელმოწერა
1	ალექსანდრე მახათაძე	13:45	
2	ციცილო ჩხაიძე	14:00	
3	გიორგი ჩახვაძე	14:00	
4	დავით ჩხარტიშვილი	13:55	
5	ამირან გიგინეიშვილი	ს. გიგინეიშვილი	
6	ოსებ ჩხაიძე	ს. იმედიანი	
7	აკაკი იმნაიშვილი	ს. იმნაიშვილი	14:00
8	ზურაბ კუკულავა	ს. კუკულავა	